

Ngā pūtea mō ngā toi o te haukāinga

Me whaiwāhi

UHI

Ko Rashid Ansorali i Mixit
Refugee Youth Arts.
Whakaahua nā Wendy Preston.



Ka kōrero tēnei mātārere mēnā ka taea te whiwhi pūtea tō kaupapa mā roto i te Kaupapa Hapori Auaha (Creative Communities Scheme – CCS), he pēhea hoki te tuku tonu.

E āwhina ana te Kaupapa Hapori Auaha (CCS) te tuku pūtea ki ngā kaupapa toi o te haukāinga. I ia tau e homai ana e Toi Aotearoa he pūtea CCS ki ngā kaunihera tāone me ngā kaunihera ā-rohe, hei tohatoha ki ō rātou takiwā.



MATAU

Taiwhangamahi mō te hunga āheinga maha manini rau. Whakaahua nā Circability

Ka taea rānei e ahau he pūtea mō tōku kaupapa?

Kia whiwhi pūtea mā CCS me tutuki i tōu kaupapa kia kotahi neke atu o ēnei:

Whaiwāhitanga

Me hangā wāhi mō ngā hapori kia pāhekoheko, kia whaiwāhi anō ki ngā mahi toi o te haukāinga, hei taurira:

- > He whakaaturanga nā ngā rōpū waiata o te hapori, ngā rōpū hip-hop, ngā kamupene kaiwhakatū, te hunga puoro, ngā toikupu rānei
- > He awheawhe tā pūweru, tuhituhi, kanikani rānei
- > Te hanga tukutuku hōu, whakairo, kōwhaiwhai rānei mō tētahi marae o te haukāinga
- > He whakakitenga nā ngā rōpū toi o te takiwā e whakatairanga ana i te raranga, te tārai uku me te whakairo
- > He taurima mō ngā tāngata toi o te haukāinga

- > Te hanganga o tētahi whitiāhua o te hapori, o tētahi mahi toi tūmatanui rānei nā tētahi hapori
- > Ngā nohonga kaitoi i whaiwāhi ai ngā tāngata toi o te haukāinga, ngā hapori rānei
- > Ngā wānanga hei whakawhanake i ngā kaitoi o te haukāinga

Kanorautanga

Te tautoko i ngā tikanga toi rerekē a ngā hapori kua tuku iho, hei taurira:

- > Ngā awheawhe, whakatakanga, whakaaturanga, taurima, whakakitenga rānei ki ngā āhua toi tuku iho o te Māori, o te iwi Pasifika rānei, ngā āhua toi ao hōu nei rānei
- > Ngā awheawhe, whakatakanga, whakaaturanga, taurima, whakakitenga rānei nā ngā hapori manene o te rohe
- > Ngā kaupapa whakaminemine rōpū nō te whānuitanga o ngā hapori rerekē
- > Ngā awheawhe, whakatakanga, whakaaturanga, taurima, whakakitenga rānei nā ngā rōpū whai hauātanga, rōpū mate hinengaro rānei

Ngā taitamariki

Te whakaahe i ngā taitamariki (kāore anō kia 18 ngā tau) kia pāhekoheko, kia whaiwāhi hoki ki ngā mahi toi, hei taurira:

- > He rōpū taitamariki e mahi tahi ana me tētahi pū toi ki te hanga toi pakitara, toi tiriti rānei
- > He rōpū taitamariki e hanga whitiāhua ana mō tētahi take nui ki a rātou
- > Te tā i tētahi kohinga tuhituhi nā ngā taitamariki
- > Ngā awheawhe puoro mō ngā taitamariki
- > He whakakitenga o ngā mahi toi kitekite nā ngā taitamariki

Kia anga hoki tōu kaupapa:

- > Kia tū tonu ki te tāone, te rohe rānei i tukua ai te tonu
- > Kia oti rawa i roto i te 12 marama o te whakaaetanga o te pūtea
- > Kia whakahua ki ngā hapori o te wā kāinga
- > Kia kāhore i tīmata, i oti rānei i mua i te whakaaetanga o te pūtea CCS
- > Kia kāhore i whiwhi kē i te pūtea nā ētahi atu hōtaka tuku pūtea a Toi Aotearoa.



Neke atu i te 1,800 ngā kaupapa ka tautokona mā te Kaupapa Hapori Auaha i ia tau.

MAUI

Te hapori Niutao o Tāmaki-Makaurau e kanikani ana he Tuvalu fatele (kanikani) i te whakaaturanga whakatuwheratanga o Kolose: Te Toi o Tuvalu Crochet i te Pokapū Toi o Māngere – Ngā Tohu o Ueunuku. Whakaahua nā Sam Hartnett.

Kia tonu ko wai?

Kia tonu te tangata takitahi, te rōpū rānei. Kia kirirarau nō Aotearoa te takitahi, kia kainoho pūmau ia rānei.

Mehemea kua whiwhi pūtea CCS kē koe mō tētahi kaupapa, me whakaoti e koe he pūrongo mō taua kaupapa keiwhā tonu mai anō, engari ia kei te haere tonu te kaupapa.

He aha ngā utu e whiwhi tautoko ahau?

- > Ngā rauemi mō ngā mahi toi, hōtaka toi rānei
- > Te rēti whare, wāhi, utauta rānei
- > Ngā utu kaimahi, utu whakahaere rānei mō ngā kaupapa wā-poto
- > Te whakatairanga, te pānuitanga o ngā mahi toi

E hia rā te pūtea ka taea e ahau te tonu?

Kāhore he mōrahi e taea e koe te tonu, heoi kei raro i te \$2,000 te nuinga o ngā pūtea CCS.

Tirohia ki te paetukutuku o tō kaunihera ētahi atu kaupapa kua whiwhi pūtea i mua, kia mōhio ki ngā momo kaupapa kua tautokona i mua, me te toharite o te pūtea kua tukuna.

Kia hia āku tonu, he pēhea hoki te whakarite i ngā whakatau?

Tae ki te whā ngā rangatū tonu kei ia kaunihera kāinga i ia tau. Ka tāpaetia tō tonu ki tētahi komiti aromatawai o ngā tāngata nō tōu takiwā tonu. Kua whiriwhiria rātou mō tō rātou mōhio me ō rātou wheako i roto i ngā toi me ngā hapori o te haukāinga.

He aha ngā momo kaupapa kāhore e whiwhi ki te pūtea CCS?

- > Ngā mahi kohikohi moni
- > Te whakawhanake taiwhanga toi, marae, whare tapere, ētahi atu whare, wāhi rānei

- > Ngā kaupapa kaunihera ā-rohe
- > Ngā kaupapa e arotahi ana ki ētahi atu take, hei tauira, te hauora, te mātauranga, te taiao rānei, he iti noa nei te wāhi toi i roto
- > Ngā kaupapa toi i ngā kura, i ērā atu whakahaere mātauranga rānei ko ia te tino tūmahi a taua whakahaere, ka whiwhi pūtea rānei rā ngā pūtea marautanga, pūtea mahi rānei

He aha ngā utu e kore e tautokona?

- > Ngā utu whakahaere auau, ngā utu kaimahi rānei kāore e pā ki tētahi kaupapa pū
- > Ngā utu mō ngā kaupapa kua tīmata kē, kua oti kē rānei
- > Ngā utu haerenga kia haere ki ētahi whakaaturanga, whakakitenga rānei i ētahi atu takiwā
- > Ngā utu kai, paramanawa rānei
- > Te hokonga utauta, pēnei i te rorohiko, kāmera, taonga whakatangi, kākahu, rama, kākahu ōrite rānei

Ka haere tonu ki tua...

Ngā hipanga ka whai ake

Rapua te 'Kaupapa Hapori Auaha' kei te paetukutuku o tō kaunihera mō:

- > Tētahi puka tono
- > Tētahi aratohu tono
- > Ngā rā ka kati

Ka taea anō te waea ki tō kaunihera o te kāinga kia kōrero ki te kaiwhakahaere o te Kaupapa Hapori Auaha mō te tohutohu kia pēhea te tuku tono.

He aha ngā utu e kore e tautokona? (haere tonu)

- > Ngā utu tapoko mō ngā whakataetae, tauwhāinga me ngā whakamātautau
- > Ngā moni paraihe, ngā paraihe me ngā utu kaiwhakawā mō ngā whakataetae
- > Ngā moni tiringa
- > Te hokonga mahi toi mō ngā kohinga
- > Te nama, te huamoni nama rānei

MATAU

Mixit, he kaupapa hapori kei Tāmaki-Makaurau ka huihui i ngā taiohi manene, hekenga, haukāinga hoki rā te auahatanga. Whakaahua nā Ella Becroft.

